

ECONOMICS & STATISTICS HNATHAWH TLANGPUI

Economics & Statistics Department hi Department pawimawh tak, mahse, mipui mimir leh Sawrkar mi leh sa te ngei pawhin a hriat hlawh vak loh Depts ni thin kha tunah chuan a pawimawhna kan lo hre chho ve zel ta a, a lawmawm hle. Economics & Statistics Deptt. hnathawh chi hrang hrang leh a pawimawhna chipchiar taka sawi dawn chuan sawi tur tam tak a awm thei ang a. Mahse, a tlangpui chauh tarlang ila.

ECONOMICS & STATISTICS DEPARTMENT HNATHAWH TLANGPUI:

Directorate of Economics & Statistics Department-ah hian Establishment Section tiam lovin Section 3(pathum)-ah in then a ni a, chungte chu Technical Section, Registration of Births & Deaths (RBD) & National Sample Survey (NSS) te an ni.

1. Technical Section:

1) Estimation of State Income: Mizoram State-in a kan thawh chhuah ve State Domestic Products (SDP) chhut chhuah hi Technical Section hnathawh pawimawh tak a ni a. SDP hi kawng hrang hranga State-in hma a sawn dan tehfung pawimawh tak a ni (It is a major indicator of Economic Development of the State). State Domestic Income/Product chhut dan hi Ministry of Statistics & Programme Implementation Department, Government of India-in mumal takin a ruahman a. State malin duh dan ang anga a chhutchhuah theih mai a ni lo va. A chhut dan tur ang taka chhut anih hnuah Central Ministry-ah keng thla-in sawiho anih hnuah reconciled figure a neih theih chauh a ni. Reconciled figure kan neih theih hnuhnung ber chu kum 2009-10 niin Rs 5,25,985.00 lakhs a ni(GSDP at current prices). GSDP hi kawng tam tak atan tangkai taka hman a ni a, Planning Commission-in Five Year Plan & Annual Plan sum a bithliah thei nana Finance Deptt.-in Resource Forecast chhutna atana an inngahna bulpui ber a ni.

2) Price & Market Intelligence(PMI):Thlai chi hrang hrang Wholesale & Retail Price lakkhawm thin a ni a. Mizoram khawpui 16-a thil chi hrang 270 man lakkhawm atangin Central Statistical Organization(CSO) chuan Consumer Price Index(CPI) a siam chhuak thin a ni. CPI atang hian thil man san chhoh dan (Inflation rate) a hriat theih a ni. CPI hi January, 2011 atang khan 2010 a bulthuta hmangin thlatina buatsaih(published) a ni.

3) Budget Analysis: State budget, Autonomous District Councils pathum – Lai, Mara & Chakma budget-te Central lamin software a ruahman hmangin analysed thin a ni a. Chumi atang chuan State income-a Industry Sector & Tertiary Sector ten sum an thawh chhuah ve(Contribute) a hriat theih a ni.

4) Basic Statistics for Local Level Development (BSLLD): Kum 2008 atang khan BSLLD Survey lo kalpui tawh a ni a. District pathum – Aizawl, Lunglei & Saiha chungha khaw 360 thlan chhuahah Survey hi neih a ni a. A thawhkhatna zawh tawh niin a thawh hnihna (2011-2012) chak taka kalpui mek a ni. BSLLD-in a tum ber chu thingtlang khaw dinhmun dik tak – an hnufual dan leh an hmasawn dante, mihring awm zat te, naupiang leh thi leh an hriselna lam te(demography), an eizawna te, nitin khawsakna atana thil tul(facilities) an neih dante, pem lut leh chhuak awm dante hre tura Survey a ni ber a. Hei hi zokhua lama hmasawna hnathawh dan tur ruahman nan(micro - level planning) atan te, Sawrkar-in zokhaw lam hmasawna atana ruahmanna a neih chi hrang hrang(Schemes) tihhlawhtlinna atan leh endik nan te leh thil dang tam takah a tangkai hle tur a ngaih a ni.

5) **Farm Harvest Price):** Mizorama RD Block 26 tin atanga khaw hnih zel thlang chhuakin khaw 52-ah kum tinin March & September thla-ah te Rabi & Kharif thlai man te survey neiin lakkhawm ziah thin a ni. He thil hi State Income-ah Agriculture atanga kan thar chhuahin engzatnge a thawh(tribute) ve tih chhut nan tangkai taka hman a ni.

6) **Buiding Statistics:** Housing lama policies leh ruahmanna fel leh tha duan chhuah nan Housing & Building Statistics Survey kumtinin India ram State dang rualin neih thin a ni a. Sorkar policies & schemes-ah thil diklo a awm lohna turin In sak phalna pe theituten an pek building te chauh survey a ni a. Mizoramah chuan ADA/AMC tena in sak thar list an neih atang chauhvin he survey hi neih a ni.

7) **Annual Industrial Survey(AIS):** Dan anga in register thawktu mi 10 aia tlem lo nei Industry te hnenah kum tinin Industrial Survey hi neih thin a ni. He survey hi manufacturing sector-in State Income-ah engzatnge an tum ve(tribute) tih chhut nan a tangkai hle.

8) **Collection of Meteorological Data:** Mizoram District 8 huamin hmun 21-ah ruahmanna tla zat(rainfall data) kumtinin lakkhawm thin a ni a. Khaw lum leh vawt leh hnawng (humidity & temperature) data Science & Technology Department atangin lak a ni baw a. Hengte hi mipui chhawr tangkai theih turin a bu-a tih chhuah thin a ni.

9) **Census of Government Employees:** Mizorama Sorkar hnathawk awmzat hriatnan Census of Government Employees hi kum 1981 atang khan lo tih tawh thin a ni a. Engemaw rokhawlhna avangin kumtin erawh neih theih a ni lo a ni.

10) **Hospital Statistics:** Mizoram chhunga Sorkar & Private Hospital-te dinhmun(statistics) thlatin lakhawmin kumtinin a bu-a tihchhuah thin a ni.

11) **Agriculture Census:** India ram pumah kum 1970-71 atang khan kum nga danah Agriculture Census hi neih ziah a ni a. Tunah hian a tum 9-na (2010-11) kalpui mek a ni a. Mizoram erawhchu Agriculture Census tum 2-na(1976-77)-ah kan tel ve tan a ni.

12) **Economic Census:** Economic Census pawh hi India ram pumah kum 5 dana neih thin a ni a. A tum ber chu thil siam chhuahna-enterprises chungchanga hriattur pawimawh chi hrang hrang hre tura survey neih a ni. April – June, 2013 chhung hian Economic Census tum 6-na nei tura ruahmanna kalpui mek a ni.

13) **Statistical Handbook:** Statistical Handbook hi miten Economics & Statistics Deptt. an hriat vena ber pakhat chu a nimai awm e. Kum khat danah tihchhuah thin a ni a. Tunah hiankum 2012 atan tihchhuah leh tura buaipui mek a ni. Handbook tihchhuah loh kumah Statistical Abstract tihchhuah thin a ni baw.

2. **Registration of Births & Deaths:** Registration of Births Deaths hi mipuiin min hriat ve-na ber leh dawrtu kan ngahna ber a ni a. India ram pumah dan(Acts) siam in kum 1969 atang khan RBD hi lokal pui tawh a ni a. Mizoramah erawh chuan kum 1985 atang khan bul tan chhoh ve chauh a ni. India sorkar chuan rampumah naupiang(thisaa piang tiamin) zawng zawng leh thi zawng zawng chhinchhiah(register) vek turin a ti a. Mizoram hi a ti tha pawl tak kan ni na chungin hmabak erawh kan la ngah hle. Planning/Eco & Stats. Secretary apiang Chief Registrar of Births & Deaths a ni a, Eco & Stats Director chu Addl. **Chief Registrar of Births & Deaths a ni baw.**

3. **National Sample Survey(NSS) Section:** National Sample Survey (NSS) hi India Sawrkarin scientific sampling methods hmanga socio-economic data lakkhawm hnathawk tura kum 1950-a a din a ni a. A tirah chuan Finance Ministry hnuai a awm a, tunah erawh chuan Ministry of Statistics

& Programme Implementation hnuaiah peng lian pui – National Sample Survey Office(NSSO) hming pui Director General & Chief Executive Officer (DG & CEO) hovin India ram pum dap chhuakin hna an thawk mek a ni. State India ram State engemawzat huamin Zonal Office leh State zawng zawng deuh thawah Regional/Sub Regional Office a awm bawk a. Mizoramah pawh Sub Regional Office hawng ve turin Ministry lamin hma an la mek nia hriat a ni. Kumin chung(1st January – 31st December, 2013) –a zawh hman turin Survey thawh sawmsarihna (70th Round of NSS) India ram state dangte rualin Mizoramah pawh kalpui mek a ni. Survey Round tin hian tum leh hawi bik a nei hran zel a. 70th Round Survey-in a hawi lam chu ‘**Survey on land and livestock holdings**’ tih a ni.

4. Thirteenth Finance Commission Grant: Finance Commission 13-na chuan Mizoram District 8-a Statistics tihchangtlunna tur leh tihhmasawna turin Rs 8.00 crore(Dist. pakhat tan Rs 1 crore zel) min rawn pe ve a. He project tihlawhtling tur hian hmalak chho mek zel a ni a. Mizoram khaw tin dap chhuaka survey ti turte (Enumerators) te hnenah pawh Training pek mek an ni.

5. India Statistical Strengthening Project(ISSP): He Project-in a tum ber chu statistics pawimawh zual 20 (20 key statistical activities) tihhmasawna tur a ni a. He Project tihlawhtling tura state 12 thlan tawhte zingah Mizoram pawh kan tel ve a, a lawmawm hle a ni. He project atan hian Central chuan Rs 2557.50 lakhs min ruahmansak a, Rs 2459.50 lakhs chu Central grant niin Rs 98.00 lakhs chu State-in kan tum ve tur a ni. A project cost atang hian Civil Infrastructure (Directorate Building & District Office Building sak nan) atan sum ruahman a tam ber a, Rs 1700.00 lakhs ruahman a ni. He mi chungchang hi chu a hranpain a sawi tura ruatin chipchiar zawkin a la rawn sawi dawn a ni.

Mahse, approved plan ang hian a kal tlang thei dawn lovin a lang a. MOSPI, Govt. Of India in Modified Plan siam tura min tih angin thawn thlak tawh a ni a. An thu nghah mek a ni.